



## Publicaziuns dalla vischnaunca, jamna 14

### Lubientschas da baghegiar

L'instanza da baghegiar ha concediu suandontas lubientschas da baghegiar:

#### Nr. 2018–1051.000

Ciril Manetsch, Via Lucmagn 13, 7180 Disentis/Mustér; spazzada dil baghetg d'economia nr. N-1032 a Siut sin parcella 3100, 7186 Segnas.

#### Nr. 2018–1057.000

Regina Charlotte Hunziker-Blum, Ungarbühlstrasse 20, 8200 Schaffhausen; damonda per furar sondas geotermicas sin parcella 497, Via Craps 22, 7186 Segnas.

#### Nr. 2018–1058.000

Daniel Manetsch-Decurtins, Via da Scola 20, 7180 Disentis/Mustér ; dislocar la tualetta, naven dil clavau tier la tegia da mises, ed engrondir la surfatscha da habitar dalla tegia da mises baghetg nr. 726A sin parcella 2358 a Caischavedra Dado, 7182 Cavardiras.

#### Nr. 2018–1059.000

Augustin Maissen-Simonet, Via Mumpé Tujetsch 2, 7186 Segnas; construcziun d'in tetg sur il lidimer (798-B), sin parcella 2075, Via Mumpé Tujetsch 2, 7186 Segnas.

#### Nr. 2018–1068.000

Marcus Stefan ed Ana Maria Britschgi, Eichenweg 3, 8134 Adliswil; renovaziun interna dalla habitaziun nr. 12 ella casa nr. 16 sin parc. 912, Via Sursilvana 5, 7180 Disentis/Mustér.

#### Nr. 2019–1001.000

Jolanda Gächter, Rigistrasse 6, 8608 Bubikon; sanaziun dalla tegia da mises ed engrondaziun dalla surfatscha da habitar, parcella 3846, Begl Sogn Martin, 7183 Mumpé Medel

Disentis/Mustér, ils 29 da mars 2019

*Uffeci da baghegiar Disentis/Mustér*

---

### Annunzia da baghegiar

All'instanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

#### Nr. 2019–2008.000

STWEG Barbadur, Via Glaretsch 16, 7186 Segnas; lavurs da manteniment vid il plaz da seser dalla habitaziun el plaun terren ella casa nr. 752B e vid il contuorn sin parcella 1179, Via Glaretsch 16, 7186 Segnas.

Encunter quella decisiun san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 29 da mars 2019

*Uffeci da baghegiar Disentis/Mustér*

---

### Cussegli da vischnaunca

#### Rapport dalla seduta dils 29-3-2019

En sia seduta dils **29 da mars 2019** ha il cussegli da vischnaunca, sut il tgamun d'Armin Berther, tractau suandonts projects da canalisaziun:

- Separaziun d'aua Clavaniev (credit brut frs. 165'000.--)
- Nova canalisaziun Latis - casa da scola (credit net frs. 165 000.-)
- Nova canalisaziun zona da mistregn Pignola 2 (credit net frs. 143 000.-)



Cun vusch unanimha ha il cussegl da vischnaunca concediu ils credits necessaris per realisar ils treis projects da canalisaziun. En ina secunda lecziun ha il parlament communal tractau la revisiun parziala della lescha d'agricultura ed il regulativ da taxas tier la lescha. Suenter intensiva discussiun e far entginas midadas redacziunalas ha il cussegl approbau cun 13 encunter ina vusch la revisiun parziala della lescha d'agricultura ed il regulativ da taxas tier la lescha. Plinavon ha il cussegl decidiu da suttametter la revisiun dalla lescha d'agricultura sco era il regulativ da taxas tier la lescha d'agricultura al referendum facultativ tenor art. 21, lit. b dalla constituziun communalala.

### Communicaziun pertucont il project dil Center da sport e cultura

Ei era previu da suttametter a caschun dalla seduta dil cussegl da vischnaunca dils 29 da mars 2019 il messadi cun la damonda da credit pil project da sanar ed adattar il Center da sport e cultura (CSC). Il project cun la calculaziun dils cuosts ei preparaus. Actualmein ei la cumissiun da bagheggiar dil CSC fatschentada cun la concepziun turistica. La coordinaziun cun la destinaziun turistica Mustér Sedrun, cun nos novs gronds investurs ella sparta turistica, cun la Regiun Surselva e cugl uffeci per economia e turissem dil cantun Grischun pretenda aunc empaui temps. Nossa finamira ei da posiziunara nossa perla, il Center da sport e cultura, en la regiun Surselva sco object singular che iradiescha lunsch sur ils cunfins da nostra vischnaunca. Nus essan vidlunder da surluvrar il program d'investiziun ed il plan da finanzas cun actualisar e priorisar tuttas incaricas communalas e quei en stretga collaboraziun cugl uffeci da vischnauncas dil Grischun. La suprastanza communalala e la cumissiun da bagheggiar dil CSC lavuran cun grond anim e plascher per presentar al cussegl da vischnaunca ed alla populaziun da Mustér in valent e madir project cun in saun fundament finanziel. Sco gia menziunau pretenda la preparaziun dalla fatschenta aunc empaui temps. Per quei motiv ha la suprastanza communalala decidiu d'abolir ils termins fixai davart la damonda da credit al cussegl da vischnaunca, la sera d'informaziun e la votaziun dil pievel.

*Suprastanza communalala*

---

### Referendum facultativ

A caschun da sia seduta dils 29 da mars 2019 ha il cussegl da vischnaunca approbau cun 13 encunter ina vusch la revisiun parziala della lescha d'agricultura ed il regulativ da taxas tier la lescha d'agricultura. Conform ad art. 21 lit. b dalla constituziun communalala ei quella decisio suttamessa al referendum facultativ. Il messadi davart la revisiun della lescha d'agricultura cun la lescha revedida ed il regulativ da taxas tier la lescha ein exponi per envesta en casa communalala (stanza nr. 10). Enteifer 20 dis dapi la publicaziun ufficiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

*Suprastanza communalala*

---

### Planisaziun locala

#### Invitaziun ad in'orientaziun publica

Dapi il matg 2014 ei la lescha federala davart la planisaziun dil territori revedida en vigur. Ils cantuns ein obligai d'adattar lur plans directivs allas novas pretensiuns federalas. Il cantun Grischun ha adempiu quell'obligaziun ils 20 da mars 2018 entras l'approbaziun dil plan directiv. Ussa tucca ei allas vischnauncas d'adattar lur planisaziun locala a quellas pretensiuns, cunzun las zonas da habitat. La revisiun della lescha federala davart la planisaziun dil territori ha la finamira da prevegnir che las zonas da habitat vegnien buca engrondidas e concentradas, cunzun leu nua che la damonda sesanfla. Consequentamein pretendan cantun e confederaziun che las zonas da bagheggiar periferas vegnien reducidas a favur dallas aglomeraziuns. La surfatscha da parcelles surbaghegiadas parzialmein e parcelles cun potenzial d'augmentar l'utilisaziun enteifer ils vitgs duei vegnir concentrada anenviars a favur dil terren agricol, dalla natira e dil spazi en zonas da recreaziun. Davart tgei che quei mutta e co la procedura da sviluppar la planisaziun locala per nossa vischnaunca se representa vegn informau gliendisdis, ils 8 d'avrel 2019 allas 20.15 en halla Cons. Igl emprem pass per realisar las pretensiuns dil plan directiv cantunal ei il relasch d'ina zona da planisaziun entras la vischnaunca. Enteifer la zona da planisaziun astga vegnir fatg nuot che sa pregiudicar la revisiun dalla planisaziun locala ni che savess counterfar a quella. Damondas da bagheggiar astgan mo vegnir lubidas, sch'ellas counterfan ni allas prescripziuns cun vigur legala ni alla nova planisaziun e prescripziuns previdas.



Ina zona da planisaziun mutta pia buca ina bloccada da bagheggiar, mobein conceda all'instanza da bagheggiar il dretg e l'obligaziun da giudicar con lunsch ch'in project da bagheggiar pregiudichescha las finamiras dalla planisaziun locala en revisiun e da prender las disposiziun necessarias per prevegnir a tals conflicts.

*Suprastanza communal Disentis/Mustér*

---

### Purschida gratuita

La vischnaunca da Mustér porscha era uonn a ses habitants la pusseivladad da visitar gratuitamein la Casa da traffic a Lucerna, [www.verkehrshaus.ch](http://www.verkehrshaus.ch). Al spurtegl dall'administraziun communal sa per mintga di digl onn vegnir retratg tschun entradas gratuitas. En quella purschida ei contenuu:

- entreda gratuita ella Casa da traffic a Lucerna
- 10% rabat sin biars artechels ella stizun dil museum

Co fuss ei da far inagada in'excusiun a Lucerna, forsa gest cun nezegiar la carta dil di per viagiar cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (tel. 081 920 36 36 ni e-mail: [admin@disentis.ch](mailto:admin@disentis.ch)). Nezegei quella purschida e passentei in bi di en Svizra Centrala.

*Administraziun communal*

---

### Via d'uaul Punt da Brulf–Fontanivas Serrada dalla via

Muort las lavurs da construcziun per slargar e rinforzar la via d'uaul sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars-Fontanivas. Per pedunz e velocipedists ei il passadi adina pusseivels. Las lavurs da construcziun cuozan entochen **miez fenadur 2019**. Per sclariment stat il biro da planisaziun Enzler Bauleitungen, tel. 081 250 35 35, ni il selvicultur da revier Simon Cathomen, tel. 081 920 36 41, bugen a disposiziun. Nus supplichein da prender enconuschiantscha da quest avis.

Bien engraziament per la capientscha.

Disentis/Mustér, ils 13 da mars 2019

*Uffeci forestal Disentis/Mustér*

---

### Via d'uaul Run e senda da viandar d'unviern

Turtengia–Val Mala

Muort lavurs da transport da lenna cun suga a Marietta–Val Mala, vegnan la via d'uaul Run sco era la senda denter la Val Mala e Turtengia mintgamai ad esser serradas per tut traffic sco era per pedunz duront il temps da lavur. Las lavurs cuozan bien duas jamnas. La via e la senda ein serradas naven dalla damaun allas 7.00 entochen la sera allas 17.30. Nus supplichein da prender enconuschiantscha da quest avis. Bien engraziament per la capientscha. Disentis/Mustér, ils 5 d'avrel 2019.

*Uffeci forestal Disentis/Mustér*

---

### Clom d'urgenza 118

Preziadas vischinas, prezai vischins

S'aginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.



Perquei vala: Tier ina situaziun nua ch'cls pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professiunal arriva il pli spert pusseivel sil plaz.  
Engraziel per Vies sustegn!

*Vos Pumpiers Sursassiala*

---

### Rimnada da pupi

**Venderdis, ils 12-4-2019**

**Adatg! Ei vegn mo rimnau: gasettas, illustradas, catalogs, cudischs e prospects stampai.**

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca duront la rimnada.  
Bien engraziament per Vies agid e sustegn!

*Scolas Mustér, Ch. Berger*

---

### Scola da musica Surselva

#### Parcours d'instruments

La Scola da musica Surselva organisescha per tut quels che han grev da secedider ed era per tuts che han marveglias in parcours d'instruments. Dapli informaziuns sut: [www.bzs-surselva.ch](http://www.bzs-surselva.ch). Tastas ni trumbetta? Cordas ni cantadas? Saxofon ni xilofon? Tgei plai a ti? Neu ed emprova! Sonda, ils 13 d'avrel 2019 dallas 10.00–12.00 en casa da scola a Mustér. 10.00 beinvegni ella halla Cons, suenter cuort concert cul Brassorama.

*Center da formaziun Surselva CFS*

---

### Pleiv s. Gions

#### Radunanza generala

**Venderdis, ils 5 d'avrel allas 20.15 en halla Cons**

#### Tractandas:

1. Beinvegni
2. Approbaziun dils protocols
3. Rapports:
  - a) dil president dalla pleiv
  - b) dalla presidenta dil cussigl pastoral
4. Rapports da quen
5. Rapports dils revisurs da quen e scarica alla suprastanza
6. Elezioni:
  - a) president
  - b) ugau-baselgia s. Gions
7. Preventivs
8. Fixaziun dil pei da taglia
9. Renovaziun casa pervenda: adattaziun dil credit
10. Orientaziuns
11. Undraziuns
12. Varia

Cordial invit a nossa radunanza generala  
*la suprastanza dalla pleiv s. Gions*



## Berufsinformationsschau in der distec ag

**Am Mittwoch, 10. April 2019**, ab 16 Uhr findet in unserem Unternehmen in Disentis eine Berufsinformationsschau statt. Der Anlass richtet sich an alle Jugendlichen, die vor der Berufswahl stehen, und deren Eltern. Es werden die Lehrlingsausbildungen in den Berufen Polymechaniker/in und Produktionsmechaniker/in, die distec ag und deren Lehrlingsabteilung sowie der äusserst interessante Maschinenpark vorgestellt. Jugendliche und deren Eltern erhalten so eine Entscheidungshilfe aus erster Hand, da alle Lehrlinge ihre Ausbildung und ihre Arbeiten selber vorstellen werden. Kompetente externe Referenten werden über die Lehrberufe und Weiterbildungsmöglichkeiten nach der Lehre, sowie über die Auswahl einer Lehrstelle referieren und für Fragen zur Verfügung stehen.

---

## Uniun da dunnas Disentis/Mustér

### Suentermiezdi da Pastgas

Cordialmein envidein nus tut ils affons en accumpignament d'ina persuna carschida a far lieurs da pastgas ord pasta. Entochen che las lieurs da pasta van allura en fuorn, vegni presentau in kino da cudischs da maletgs. Silsuenter vegn ei aunc purschiu stiva da caffè e pettas. Datum: **Mesjamna, ils 10 d'avrel 2019** Temps: 14.00, liug da sentupada: All'entrada dalla cantina dil gimnasi (davos claustra) Parcadis: Stattan a disposiziungratuitamein davos la claustra (Via Sogn Sigisbert). Per plascher s'annunziar entochen ils 7 d'avrel 2019 tier laura.deflorin@outlook.com ni 078 813 78 17

Sin Vossa participaziun selegran

*Las menadras dil ressort affons*

---

## Invitaziun Seniora-Ca

Gievgia, ils 11 d'avrel 2019 allas 13.30 ell'ustria «Crestas» a Segnas tier troccas, jass, giugs, caffè e petta. Pusseivladad da gentar allas 12.00 ell'ustria «Crestas» a cun salata, plat principal per in prezi favoreivel. Annunzia pil gentar tochen mardis, ils 9 d'avrel 2019 allas 17.00 a Puntreis sut 081 929 56 56. Indicar sche vus duvreibs transport. Transport: allas 11.45 ni 13.15 sper Puntreis ni Cucagna.

---

## Kinderkino Cinema Salaplauna

### «Ploey» (ISL 2018)

**Mittwoch, 10. April** / Center sursilvan d'agricultura, Disentis/Mustér

Ein Zugvogelküken bleibt allein im Norden zurück, als seine Kolonie im Herbst in Richtung Süden fliegt. Daraufhin begibt es sich auf eine gefährliche Wanderung. In dem isländischen Animationsfilm geht es nicht nur ums pure Abenteuer, sondern auch um ernste Themen wie Einsamkeit und Trauer. Türöffnung 15.30 Uhr, Filmstart 16 Uhr. Eintritt frei, Kollekte.

---

## Cinema Salaplauna

### «Wolkenbruch» (CH 2018)

**Mittwoch, 10. April** / Center sursilvan d'agricultura, Disentis/Mustér

Bislang hat Motti immer brav getan, was seine jüdischorthodoxe Mame ihm vorschreibt. Als die Mutter Ihren Sohn verkuppeln will und lauter junge Frauen einlädt, weicht Motti von dem traditionellen Pfad ab. Er verliebt sich in seine Mitstudentin Laura, eine «Schickse». Eine herzhafte Komödie nach dem gleichnamigen Schweizer Roman. Türöffnung 19.30 Uhr, Filmstart 20 Uhr. Eintritt frei, Kollekte.



### Vortrag: «Wollsein unterwegs»

Schafwolle, Schweizer Kleidung und Erfahrungen auf der Schafalp. Donnerstag, 11. April 2019, 20 Uhr, Center sursilvan d'acricultura, Disentis/Mustér Drei Referenten rücken an diesem Abend das Schaf in den Mittelpunkt des Geschehens: Raphael Müller vom jungen Unternehmen «wollsein» berichtet über Schweizer Schafwolle und deren Verwendung. Oliver Gross vom Unternehmen «Rotauf» berichtet von den Ansprüchen an hochwertige Schweizer Outdoor-Bekleidung. Und der Schafhirt Norbert Brandtner, der vor wenigen Jahren auf Nalps Schafe gehütet hat, wird von seinen Grenzerfahrungen als Schafhirte erzählen. Stallbar ab 19.30 Uhr. Eintritt frei, Kollekte.

---

### «Café rumantsch» a Mustér

#### Cordiala invitaziun agl emprem

**venderdis, ils 12 d'avrel 2019**, allas 19.00 ella cafeteria dil Center da sport e cultura. Il «Café rumantsch» ei ina sentupada per tuts che vulan discuorer romontsch. Einheimische, Zweitheimische, Zugezogene und Gäste treffen sich regelmässig zum rätoromanischen Austausch. Es ist kein Romanischkurs. Cordial beinvegni

*Lia Rumantscha e Gion Hosang, menader*

---

### Corporaziun d'aua Spina da Vin, Disentis/Mustér

#### Invitaziun alla radunanza generala dalla Corporaziun d'aua Spina da Vin

**Mardis Pastgas, ils 23 d'avrel 2019** allas 20.15 el «Hotel Alpu,» Disentis/Mustér.

#### Tractandas:

1. Beinvegni
2. Elecziun da dus dumbravuschs
3. Protocol, approbaziun
4. Rapport dil president
5. Rendaquen, rapport dils revisurs e dar scarica
6. Projects novs
7. Preventiv e program da laver
8. Elecziuns:
  - a) quater commembres da suprastanza
  - b) dus revisurs da quen
9. Orientaziuns
10. Varia

Suenter la radunanza vegn offeriu in mudest refrestg.  
Tuttas commembres e tuts commembres ein cordialmein  
envidai e beinvegni.

Per la suprastanza

*Il president: Aluis Flepp*

---

### Producziuns finalas – MOVIS

Per la 19avlà gada presentan varga 120 amaturs da MOViMent e Sault cun anim e plascher lur coreografias silla tribuna dalla halla Cons/Mustér.

Cu? venderdis, ils 12-4-2019, allas 20.00  
sonda, ils 13-4-2019, allas 20.00  
dumengia, ils 14-4-2019, allas 14.00



**Aufführung – MOVIS**

Zum 19. Mal präsentieren 120 Bewegungs- und Tanzamateure mit Freude und Begeisterung ihre Choreografien auf der Bühne in der Halle Cons/Disentis.

Wann? Freitag, 12.4.2019, um 20 Uhr

Samstag, 13.4.2019, um 20 Uhr

Sonntag, 14.4.2019, um 14 Uhr

Vegni e mirei! Nus selegrein da Vossa viseta.

*ils Movis*

---

**Corporaziun da dretgs d'alp Nalps e Tegia-miez**

**Radunanza generala**

**Mesjamna, ils 17 d'avrel 2019** allas 20.00 en l'ustria «Cresta», Segnas.

**Tractandas supplementaras allas ordinarias:**

6. Concept da cultivazion (Pro Valladas GmbH)
7. Revisiun parziala dallas statutas (proposta ed approbaziun)
9. Approbar il contract d'affitaziun per l'alp Nalps

Sin giavisch d'in proprietari da dretgs sa vegnir priu envesta dallas statutas surluvradas tier il president Armin Berther (079 609 48 25, armin.berther@gmail.com)

Cordialmein envida

*la suprastanza*